

ciæ, dicasteria, nobilium castra, passim reperiuntur Viri magni ingenii ac in omni scientiarum artiumque genere excultissimi; quibus sunt multiplices libri; qui illyricam, latinam, italicam, germanicam, nonnulli græcam et gallicam callent; quorum plurimi opibus commodisque circumfluunt, nec tamen ob unionis defectum ulla litteraria Societate possunt hactenus gloriari. Quos ego ipsemet nosco, hic commemorabo. Adest Viennæ Joannes Christianus *Engel* in hac Transylvaniæ Cancellaria *concipistæ*, censor librorum, slavicæ dialecti peritissimus, scriptor rerum hungaricarum, vir multæ eruditionis, doctrinæ, urbanitatis.

Maximilianus *VERHOVACZ* episcopus zagrabiensis sacris et civilibus doctrinis excultissimus flagrat desiderio perficiendæ dilatandæque illyricæ linguæ; erexit typographiam; suam ingentem bibliothecam publico usui aperiet; fovet artes et scientias vehementissime; quantum prudentia valeat in consulendo palam testantur congregationes Croatiae ac Slavoniæ, Comitia Hungariæ, atque ejus Patria, cui ornandæ pene omnes offert proventus, suosque prædecessores in omnibus longe antecellit. Antonius *MANDICS* episcopus pristinensis ac præpositus major zagrabiensis primum illyricæ linguæ oraculum, sub cujus præsidio commissio aulica hanc recentem orthographiam  
il.